



**Quæstionum Canonicarum, In Quinque Libros  
Decretalium, Tomus ...**

In Librum II. Decretalium, Per Triginta Titulos Distributum, In Quo Agitur  
De Judiciis, Foro Competenti, Libelli Oblatione, Mutuis petitionibus, ...

**Krimer, Ferdinand**

**Augustæ Vindelicorum, 1708**

§. 7. Quid agendum post auditas exceptiones, aut reprobationes Testium?

---

[urn:nbn:de:hbz:466:1-73001](https://nbn-resolving.de/urn:nbn:de:hbz:466:1-73001)

<sup>1642.</sup> Quamvis autem regulariter procedat, quod depositioni secundæ, Testis contraria deponentis, non credatur; hoc tamen fallit in aliquot casibus, &c. si in continentis se corrigat, ut diximus in fine præced. num. 2. nisi posterius testimonium juvetur aliis adminiculis, & præsumptionibus, ut in casu, de quo n. 1638. sic Farinacius *de Testibus*, q. 66. n. 151. 3. si secundum testimonium dedit in iudicio valido; primum autem, in invalido; sic Abbas in c. cum tua, n. 9. sed intellige, si non constet primum esse verum; Covarr. l. 2. variarum resolut. c. 13. n. 7. 4. si secundum sit juratum; secundus, primum; Farinac. cit. n. 148. 5. si contraria deponat in causa hæresis; c. Accusatus, 8. §. Licet, de hæret. in 6.

<sup>1643.</sup> Not. præterea, quosdam esse, quorum depositionibus creditur etiam extra torturam; alios, non nisi dictis in tortura, quales sunt personæ viles, servi, infames, criminosi; quibus positis Abbas cit. n. 9. & Felinus *ibid.* n. 3. cum Farinacio *cit. n. 165.* censet, secundo dicto in tortura, quando Testis contraria deponit, credi contra primum sponte factum, ac extra torturam: Sed & hoc revera periculosest; sæpius enim per torturam acerbitas pœnæ falsas confessiones exprimit, ut experientia certum est.

<sup>1644.</sup> Not. 2. & si regulariter depositio prima, testis contraria deponentis, sive in eodem, sive in diversis iudiciis præferatur secundæ, & ista reprobetur, ut dictum est; quia tamen, ut notavimus ex hac ipsa variatione, ac revocatione valde debilitatur etiam depositio prima, hanc non esse sufficientem, ut ex illa Testi deferatur juramentum in supplementum probationis; cum sit Testis varius, & inconstans; præsertim, si non probet errorem in depositione prima, quæ tollat suspicioneum falsi in secunda depositione. Colligitur ex L. si tibi, 2. C. de Testib. ubi dicitur, si tibi controversia ingenuitatis fiat, defende causam tuam instrumentis, & argumentis, quibus potestoli enim testes ad ingenuitatis probationem non sufficiunt.

<sup>1645.</sup> Not. 3. in casu, quo testis in iudicio

deponit contrarium ei, quod dixit extra iudicium, *judiciale dictum* regulariter præferri *extra judiciali*; sic Felinus c. cum in tua 44. b. t. Jul. Clarus §. fin. q. 53. n. 11. & alii; dictum enim *judiciale* est depositio necessaria, jurata, consequenter magis qualificata, & deliberata; secus *extra judicialis*; nisi tamen & hæc foret jurata, aut nitetur justis præsumptionibus, aliisque adminiculis; unde in dato casu procedendum est juxta limitationes à n. 1642.

### §. 7.

*Quid agendum post auditas exceptio-*  
*nes, aut reprobationes Testium?*

<sup>1646.</sup> Qualiter Testes reprobentur per alios contrarios, ex dictis constat; universaliter autem notandum in casu, quo una pars opponit exceptionem contra testem ab altera producetum, si producens nolit eum propterea à testificando repellere, debere ostendere contrarium, aut refellere, quæ in probationem adducta sunt ab excipiente. Hinc, si excipiens opponat testi producto vitium aliquod, quo censatur testis non integer, producens ostendendo eum ab ipso Adversario in alia causa productum esse, quin novæ interim circumstantiae intervenerint, aptè refellet exceptionem, ut colligitur ex L. si quis 17. C. de Testib. ibi: si quis testibus usus fuerit, idemque testes adversus eum in alia lite producantur, non licebit ei personas eorum excipere, nisi ostenderit, inimicitias inter se, & illos postea emersisse, ex quibus testes repellere leges præcipiunt, non admenda scilicet ei licentia, ex ipsis depositionibus testimonium eorum arguere. Sed & si liquidis probationibus datione, vel promissione pecuniarum, eos corruptos esse ostenderet, etiam eam allegationem integrum ei servari præcipimus.

Ab hoc tamen excipe, si causa excipiendi negari non possit, ut si pars excipiat contra testem productum, quia est consanguineus producentis; nisi producens ostendat, eundemque esse consanguineum excipientis, & in simili casu pro se productum; vel si

excipi-

excipiens produceret talem consanguineum pro sua parte ; qualis est ille respectu ipsum producentis ; aut excipiens probaret testem productum , prius in alio judicio à Judice rejectum esse ex causa, quæ etiam in casu præsenti reperitur ; tunc enim exceptio jam esset à Judice approbata ; quibus positis :

1648. Quæstio est I. an testem, semel à me admissum, possim abscq̄ nova causa in alia lite reprobare ? 2. an possim eum producere, quem in alio judicio reprobavi ? Ante resolutionem notandum, dupliciter fieri posse, quòd quis admittat aliquem testem contra se productum. 1. approbando illum *positivè*, quod fit, si eum in priori lite non reprobavi propterea, quia publicatis postea attestationibus vidi, quod pro me deposuerit, & ideo ego vicerim, alias succubitus ; secundo, *negativè*, si eum in priori lite solum ideo admissi, seu non reprobavi, quia animadvertis, quod nihil contra me deposuerit, aut depositurus est ; vel verò, si quidem contra me depositus, non curavi, nec per ejus testimonium succubui. Ex quo sequitur etiam dupliciter posse intelligi, testem *esse à me admissum* ; primò, *positivè* illum approbando ; secundò solum *negativè*, nimurum non curando ; quibus positis : Ad 1. Resp. testem, à me admissum positivè in priori lite, non posse à me reprobari in alia lite ; secùs, si solum admissi, seu approbavi negativè, ut dictum est ; sic Everardus apud Haunold. tom. 5. tr. 4. n. 319. nam positiva testis approbatio à me facta, non potest à me revocari in præjudicium alterius, quod tamen intellige, nisi aliquid novi emerserit, aut refutum sit, ob quod possit reprobari, puta si postea factus esset meus inimicus, vel familiaris Adversario, &c. id, quod à fortiori procedit, si solum negativè à me fuisset admissus in priori lite.

1649. Ad 2. notandum, ex duplice capite fieri posse, testem aliquem à me non admissum, seu reprobatum esse. 1. ex causa, propter quam universaliter inhabilis est ad testificandum ; & tali casu non poterit produci utiliter;

cum, exceptione *testis jure inhabilis*, repelli possit ab Adversario : 2. ex causa solū particulari, quia est Amicus Adversarii, vel ob affectionem ad talē causam ; & in tali casu à me reprobatum in una lite, possum producere in alia lite, ubi non reperiuntur dictæ causæ reprobandi.

Not. præterea, testem in uno judicio, rejectum motu proprio à Judice, à me posse produci in alio judicio merè civili, etiamsi de facto ejus opinio, seu existimatio maneat gravata ex causa, propter quam rejectus est, modo non sit talis, ex qua factus sit *infamis* ; probatur ex c. cum dilectus, 2. de ord. cognit. cum enim Abbas de Terentino, Nobilibus de Artone item movissem super spoliatione castrorum ad Monasterium pertinentis, & Nobiles vicissim objicerent, se per illius dolum, ac violentiam, castrum Sirati amississe, peterentque, illud prius restitui, quam Abbati responderent ; Abbas replicavit, se non tuisse spoliatorem, dictum enim castrum, ipsi met non inficiantibus, ad jus, & proprietatem sui Monasterii pertinere, ideoq̄ se, ut verum Dominum retentionis commodum habere debere ; judicium autem restitutorium non competere, nisi contra spoliatorem.

Hac controversiâ ad Innocentium III. delatâ : respondit Pontifex, distinguendum esse, utrum quæstio spoliationis sit objecta in modum actionis ad petendam restitutionem ? vel in modum duntaxat exceptionis ad repellendam Actoris intentionem ? Priori modo intervenire mutuas petitiones ; & prius propositum, prius esse tractandum ; sed quæstionem fuisse à Nobilibus intentatam tantum pro posteriori modo, per modum exceptionis ; ideoq̄ se interlocutum, probationes Nobilium super exceptione Spolii primitus audiendas, eaq̄ probatā, non cogendos ad respondendum Abbati, donec restituerentur ab ipso ; non tamen, spoliatione sic probatā, per hoc esse restitucionem faciendam ; Sicuti neque testi, cui, ut à testando repellatur, per modum exceptionis crimen objicitur, & si illud civiliter probatum fuerit, pæna infligatur ordinis.

ordinaria; quia accusatio in ipsum non procedit, & si testimonio ipsius non creditatur. Neque testes, quorum testimonium reprobatur, inter infames, quasi ex falso testimonio habentur.

1651. Ex hac resolutione Pontificia colligitur, quamvis testis per oppositam exceptionem criminis a testimonio repellatur exceptione probatam, non propterea tamen poena juris ordinaria puniri; cum contra eum accusatio mota non fuerit, sed solum a testificando repelliri; quin propterea censeatur inter infames, ut patet ex textu, ibi: quemadmodum si in modum exceptionis aliquod crimen testi objicitur, ut a testimonio repellatur, & si crimen contra eum civiliter probatum fuerit, non ideo sibi pena infligitur ordinaria, sed ejus dunitaxat testimonio non creditur: quod est ratione contingit, quoniam in ipsum accusatio non procedit. Testes etiam, quorum testimonium reprobatur, inter infames quasi ex falso testimonio non habentur. Ex quo habetur, testem exceptione criminis reprobatum non reddi simpliciter inhabilem; sed solum non omni exceptione majorem; ergo ubi causae non exigunt probationem desumptam a testibus omni exceptione majoribus, modo non sint omnino inhabiles, talis testis, quantumvis in alio iudicio a Judice reprobatus, in civilibus, quae non requirunt testem omni exceptione majorem, produci poterit.

1652. Not. 2. sub opinione Doctorum esse, an defectus, quo laborat testis produtus, ratione cuius non est omni exceptione major, suppleri possit per alios testes omni exceptione maiores, super eadem re deponentes? In hac quaestione videtur attendendum, an alii testes muniantur aliquam qualitate, ratione cuius obtineant praerogativam majoris fidei, relate ad alios carentes tali qualitate? 2. an defectus, quo laborat alter, sit tam riotabilis, ut proprie nullam faciat fidem; vel non adeo magnus, consequenter non adimat omnem fidem, sed solum tantam, quantum meretur testis omni exceptione major, destitutus tamen qualitate praerogativa, fundantis majorem fidem

etiam super istum? quibus positis: Resp. si alter testis careat qualitate, dante praerogativam majoris fidei super alium testem oppositum omni quidem exceptione majorem, sed simili etiam qualitate destitutum, non suppleri defectum, quo laborat ille, de quo sermo est; secus, si oppositum. Si enim plus non habet, quam quo ipse indiget, ut sit testis integer, nihil habet, quod conferat in supplementum defectus in altero; secus, in opposito.

Not. 3. defectum, propter quem 1653.

quandoque testis censetur non integer, defendi posse etiam aliis modis. 1. Si juvetur aliis administris, & presumtionibus. Nam, quae singula, & seorsim sumpta, non probant plenè, fidem possunt facere interdum plenam, prout id exigit natura probationum in tali causa, si sumantur coniuncta; quia Judicis animus nullo jure alligatur uni probationis speciei, ut dicitur: L. 3. §. 2. ff. b. i. ibi: que argumenta, ad quem modum probantur cuiusque rei sufficient, nullo certo modo satis definiri potest: sicut non semper, ita saepe sine publicis monumentis cuiusque rei veritas deprehenditur: alias numerus testimoni, alias dignitas & auctoritas, alias veluti consentiens fama confirmat rei, de qua queritur, fidem: hoc ergo solum tibi rescribere possim summari, non utique ad unam probationis speciem cognitionem statim alligari debere, sed ex sententia animi tui te estimare oportere, quid aut credas, aut parum probatum tibi opineris. Hinc sit, quod plura credamus, concurrentibus propè omnibus, aut majori parte, quae minus fidei habent, si deponat unus, & alter,

1654. Alter casus defendendi testem, secundum se non integrum, non tamen simpliciter inhabilem, desumti potest ex c. Veniens. 38. b. t. ubi testes, qui ad deponendum in causa, pro qua producuntur, & plene probarunt; eo quod veritas alio modo non possit haberri, nisi per ejusmodi testes, prout contingit, si quaestio sit de actis in Capitulo, ubi nullus interest, nisi Canonicis talis Ecclesiae; consequenter per alios probari non possunt, ut constat ex ipso textu dicti c. Veniens, ibi: quia vero

verò quæ in Capitulo aguntur, non facile possunt, nisi per Canonicos ipsos probari: volumus, ut ad cautelam absolvatis eosdem, ut vocati ad testimonium liberè valeant pro utraque parte testari.

## §. 8.

## De reliquis pertinentibus ad vim attestacionum.

1655. Cum in judiciis maximè curandum sit, ut de veritate facti constet, ne cæteroquin damnum injustè inferatur parti; & propterea ad majorem attestacionum certitudinem, ubi agitur de præjudicio alterius non modò in criminalibus, sed etiam civilibus à quovis teste juramentum exigatur, quæstio est. I. an, ut depositio Testium necessaria, faciat fidem, necessariò præcedere debeat juramentum *de dicenda veritate*, ut expositum est supra. Resp. quòd sic. Nam ordo judicii naturaliter petit, ut testes prius jurent, & postea deponant, ut constat I. ex c. Fraternitatis. 17. b. t. ibi: *receptis prius ab ipsis, secundum formam recipiendorum testium, juramentis.* Secundò, ex L. jurisjurandi. 9. C. b. t. ibi: *jurisjurandi religione testes prius, quam perhibeant testimonium, jam dudum arctari præcipimus;* nisi fortè in continentí depositiōnem sequatur juramentum relatè ad prius dicta, & deinceps dicenda. Necessarium autem est, hoc juramentum in judicio præstari, ut colligitur ex L. Testium fides 3. ff. de Testib. §. Gabino, ibi: alia est auctoritas *Testium præsentium*; alia *testimoniorum*, quæ recitari solent; ubi gloſs. lit. N. sunt enim, inquit, hujusmodi testimonia muta apud Judicem, quæ veritatem rei facile fuscere possunt; & paulò post lit. O. non sufficere, ut testis etiam coram Judice juratus testimonium dicat coram honestis Viris; hoc enim amplius exigi, ut præsente Judice testimonium ferat, & coram eo juret; & quidem partibus præsentibus, per L. si quando 19. C. b. t. ibi: *testes accipere, & alterutram partem præsente, quæ eos introducit, testimonia eorum capere;* ubi not. aliud esse, quòd intersint iuramento; aliud, quòd audiant examen; & de primo; non autem secundo, hic sermo est.

1656. Quæstio altera est, an hoc juramen-

tum debeat esse corporale? tactis nimirum SS. Evangelii? Resp. quòd sic, ex c. Hortamur. 3. q. 9. ubi Pelagius Papa, scribens Decorato Patricio, hortamur, inquit, ut sub timore Domini consuetam conscientiæ vestræ sinceratatem in hoc quoq; negotio conservantes, omnem personis, quæ veritatem causæ istius scire possunt, faciatis amputari formidinem, & vestris præsentari conspectibus, tactis sacrosanctis Evangelii, præbito etiam legaliter Sacramento, que in veritate rerum noverunt, professione suæ testificationis aperiant, ut patet factis omnibus, quæ secundum leges, & justitiam censenda sunt, cognoscatis, & competentem legibus, & veritati terminum detis; quamvis consuetudine, vel privilegio possit obtineri, ut aliter juretur; vel nec juretur formaliter, sed solùm in fide Nobili, prout in quibusdam Provinciis fieri solet.

Quæstio 3. est, an ea regula, quòd nemo recipiatur in testem, nisi juratus, extendat sese etiam ad Clericos, & Religiosos? Resp. affirmativè, ex c. Nuper. 15. b. t. cum enim hæc quæstio mota esset, & Religiosi in testes producunt non jurassent, quòd secundum sui Ordinis regulam jurare non possint, nec debeat; respondit Pontifex, quòd nullius testimonio, quantumq; Religiosus existat (nisi juratus deposuerit) in alterius prejudicium debet credi.

Ex hac resolutione colligitur, Religiosum posse testem agere, ut cum comuni tradit Sanchez in Decal. tom. 2. l. 6. c. 13. à n. 100. tam *judiciale*, quam cujuscumq; instrumenti, seu *testamenti*, interveniente tamen superioris licentiâ. Nam, licet nullam exigi superioris licentiâ, ut Monachus testis instrumentarius sit, defendat Sanchez cit. c. 13. à n. 103. verius tamen est, requiri eam licentiâ, ut tradit Mascardus de Probat. conclus. 260. à n. 2. nimirum, ut decenter, vel licite agat; si tamen coram Judice non suo, sine Superioris licentia, testem ageret, valeret ejus testimonium; ita Sanchez cit. n. 108. Ex quo etiam habetur, Religiosos adhiberi posse Testes in testamento, in quo eorum Monasteriū hæres institutum est, vel illi legatum,